



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1503143**

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

28 օգոստոսի 2018 թ.

ք. Երևան
(կազմման վայրը)

Ակտի հասցեագրեր

**<<ԿԱՐՄԻՆԱՌ>> ՍՊԸ
Տնօրեն Կարեն Եսայան**

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

0	0	0	6	9	6	8	9
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ԵՐԵՎԱՆ ԱՐԱԲԿԻՐ ԹԱՂԱՄԱՍ ԱՅԳԵՁՈՐԻ 58

(անհատ ձեռնարկատիրոջ հաշվառման հասցեն կամ իրավաբանական անձի գրնվելու վայրի հասցեն)

Խախտման նկարագրությունը

ՀՀ ՊԵԿ ՕՀ վարչության պետի 22.06.2018թ. թիվ 1503143 որոշման համաձայն <<ԿԱՐՄԻՆԱՌ>> ՍՊ ընկերության նկատմամբ ձեռնարկված օպերատիվ-հետախուզական միջոցառումների արդյունքում պարզվել է, որ <<ԿԱՐՄԻՆԱՌ>> ՍՊ ընկերության կողմից՝ Լոռու Օձուն գյուղի բնակիչ Արթուր Չոփուրյանին պատկանող <<Կամազ>> մակնիշի 35 AC 289 պետհամարանիշի ավտոմեքենայով 2018թ. հուլիսի 30-ին ժամը 11:00-ին <<ԿԱՐՄԻՆԱՌ>> ՍՊ ընկերության Լավարի հանքավայրից բեռնվել է մոտ 3 խմ. լավարի տուֆավազաքար և նույն օրը ժամը 16:00-ի սահմաններում առաքվել է Ալավերդի քաղաքի սկզբնամասում գտնվող ԱԶ Կարեն Երիցյանին պատկանող քարի արտադրամաս:

ՀՀ ՊԵԿ տեղեկատվական բազայի /Հարկատու 3/ տվյալների ուսումնասիրությունից պարզվել է, որ <<ԿԱՐՄԻՆԱՌ>> ՍՊ ընկերության կողմից 30.07.2018թ. ժամը 10:43-ին դուրս է գրվել Բ9070553228 հաշվարկային փաստաթուղթ՝ 2 խմ. լավարի տուֆավազաքարի համար, ընդհանուր 80.000 ՀՀ դրամի /1 խմ-ը 40.000 ՀՀ դրամ/, այսինքն <<ԿԱՐՄԻՆԱՌ>> ՍՊ ընկերությունը հաշվարկային փաստաթղթում, փաստացի մատակարարման համեմատությամբ, պակաս է ցույց տվել 1 խմ. 40.000 ՀՀ դրամ արժեքով լավարի տուֆավազաքար:

Վերոգրյալը հաստատվել է նաև <<Կամազ>> մակնիշի 35 AC 289 պետհամարանիշի ավտոմեքենայի վարորդ Արթուր Չոփուրյանի հայտարարությամբ:

Թիվ 1503143 արձանագրությամբ 30.07.2018թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով՝ խախտվել է ՀՀ Հարկային օրենսգրքի 57-րդ հոդվածի 1-ին կետի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Վերոգրյալը առաջացնում է պատասխանատվություն՝ ՀՀ Հարկային օրենսգրքի 410-րդ հոդվածի 1-ին մասի 1-ին կետի համաձայն, ըստ որի <<Օպերատիվ-հետախուզական գործունեության մասին>> ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում <<ԿԱՐՄԻՆԱՌ>> ՍՊ ընկերության կողմից խախտումը վերջին 1 տարվա ընթացքում կատարվել է առաջին անգամ: Ապրանքի ընդհանուր գումարը կազմում է 40.000 ՀՀ դրամ, որի 50% -ը կազմում է 20.000 ՀՀ դրամ, այսինքն օրենսդրական պահանջից ելնելով <<ԿԱՐՄԻՆԱՌ>> ՍՊ ընկերության նկատմամբ կիրառելի է 200.000 ՀՀ դրամ տուգանք:

Ելնելով վերոգրյալից և ղեկավարվելով ՀՀ Հարկային օրենսգրքի 428-րդ հոդվածով, ՀՀ ՊԵԿ նախագահի 16.07.2018թ. N 433-Լ հրամանով.

Որոշեցի

1. Հաշվարկել և <<ԿԱՐՄԻՆԱՌ>> ՍՊ ընկերությանը գանձման առաջադրել 200.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	200.000	X	X
90%	180.000	պետական բյուջե	900008000490
10%	20.000	հարկային մարմնի զարգացման ֆոնդ	

2. Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատարանի
պաշտոնը, անունը և ազգանունը

Կ.Տ.



(Signature)

ստորագրությունը

Ստացա ակտի մեկ օրինակը

ընդամենը 3 էջ

Կարեն Եսայան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հատուկ առաքման դեպքում)

ստորագրությունը

2018 թ.

(նշում ակտը ստորագրելուց և (կամ) ստանալուց հրաժարվելու մասին)